


san kònòntònnan — nimòrò 97  
 marisi kalo — san 1980  
**bp:24 - bamakò (mali)**  
 téléfòn : 22104 — ccp : 0155  
 dòròmè 4  
 kibarudilalaw kuntigi : amadu ganyi kantè

# kibaru

a bè bò kalo o kalo, faso ka kibarudiso ka yamaruya kònò

## sahara jamana kuntigiw ka kubèn

sahara jamana  
 kuntigiw tògòw  
 filè nin ye :  
alizeri:shadi-  
 li bëndijedidi  
moritani:moha-  
 mèdi kuna ulu-  
 di hayidala.  
mali:musa tara  
 wele. nizèri :  
 seyini kunce.  
libi: muhamari  
 èli kadafi (o  
 ka minisiri fò  
 lò de nana ba-  
 makò. tishadi:  
 gukuni wedèyi.



### Siginyògonya diyalen bè gèlèya ban

jamana minw bè sahara  
 dawolo la, olu kuntigiw  
 ye nyogón kumbèn, bamakò  
 mali kónò, san 1980 mari  
 si kalo tile 9 n'a tile  
 10.o jamanaw ye minw ye  
 o filè nin ye: mali, mo-  
 ritani, nizèri, tishadi,  
 alizeri ani libi.

kumbèn in tun sinsi-  
 nen bè nyogón dèmè de  
 kan, walasa sigi nyogón  
 ka latilen a jama-  
 na denw bè ni nyogón

cè, sira bèe kan, n'olu  
 ye, politiki, sóró, ha-  
 damadenya ani seko ni  
 dònko siraw ye.

sahara sigi yòrò bén-  
 na yòrò gèlèn de ma, fa  
 rafinna kónò, bawo, ja  
 n'a nkankow ye balo co  
 go nagasi à yòrò fan  
 bèe kónò. fosi tè yen ni  
 cèncèn fuu tè. sanji tè  
 na yen. jiri tè balo  
 (a tò bè nyè 3 la)

### nin kibaru kònòkow

nyè 2: kibaru kanubagaw  
 kuma yòrò. nyè 3: sahara  
 jamana kuntigiw ka kum-  
 bèn. nyè 4: farafin fura  
 bayèlèmali. nyè 5: cilss  
nyè 6 ani nyè 7: bugòba-  
 li ni jènèba. nyè 8: gè-  
 lèya.

# kibaru kanubagaw kuma yòrò

## kuma kòròmaw jaabiw

kuma kòròma dò fòra arajo la ko cèkòròba dò ye den saba sòrò, kelen ye dununfòla ye, kelen ye dònkilidala ye, kelen ye dònchèla ye. dò ye sagajigi di a ma, ko a k'a di a den ma, min ye silamè ye.

ne hakili la, saga ka kan ka dij dònchèla de ma. bawo, fòlifòla ni dònkilidala de bë a bëe su ka kè sitanè kan, mògò si tè dòn kè ni fòli ni dònkili tè, jabe sisoko jèn

°  
°

kuma dò jaabi don, min fòra juma don. aw ko u ye sansara pese, kilo 5. kònò dò tun bë yen, o ye kilo 5 ye. kònò minèna, k'a don sansara kònò, o fila jèlen kèra kilo 5 ye.

ne hakili la, o ye muso ni cè ka den ko ye. n'i ye muso nyininka, o

ko a ka den ye 5 ye. n'i ye cè nyinika, p'ko a ka den ye 5 ye. o fila jèlen ye 5 ye, o ma 10 bò.

abù jakite  
kilensokòrò

°  
°

cè dò ye ntalen dò da, ko fèn dò bë, n'a ye doni ta, a bë taa kò fè.

ne hakili la, o ye bomankolonkolon ye: a mana bo ta, a bë taa kò fè. a mana bo bila, a bë taa nyè fè.

baajan kanè gaana'

°  
°

kuma kòròma jaabi filè nin ye : a fòlò : muso pèrèlènin kanuni man nyi.

o kòròye : dònrikèlaba muso kanuni man nyi.

a filanan : dinyè jigi ye joli ye ? dinyè jigi ye fila ye. a fòlò ye sagajigi ye, a filanan ye ngònjigi ye.

a sabanan : fèn jumèn ka kòrò ni fèn bëe ye ?

o ye bakòrònin ye. a filanan ye donkòrònin ye.

mun bë du kònòsigi diya du kònò mògòw bolo ?

o kòrò ye balo ye.

muso bilen kanuni man nyi.

o ye dugutigi muso ye. sedu buware njijana

°  
°

a fòra arajo la ko fèn dò bë, n'i bë dò ta a la, a bë caya.

o ye dònñi ye. sulemani kònè bila

## bamanankan

### samanni siginidenw (voyelles longues)

aa...jaabi.....repondre  
ii...tiiti.....tracer  
uu...kuuru.....toujours  
ee...feere.....vendre  
oo...foolo.....goitre  
oo...ndoni.....mélanger  
minan.....antilope  
mori.....marabout  
ndögèn.....poursuivre  
nsana.....proverbe  
ntanan.....cloche  
nugu.....intestin  
nyangi.....punir  
nyèbèrè.....cancrelat  
nyèfd.....expliquer  
nyin.....dent  
nyóni.....pousser

nyun.....charger  
ngunan.....gémir  
olu.....ceux-là  
éwò.....oui  
para.....carrément  
payi.....parfaitement  
pèlè.....latte  
puruti.....ruer  
sa.....serpent  
saban.....frapper  
nunna siginidenw  
(nasales)

an....manje.....papaye  
in....kin.....quartier  
en....sen...jambe, pied  
èn....nèn.....langue  
on....kon.....porte  
dn....nónfón.....liane  
un....cun....tomber sur

## yèlèko

numukè dò kèra, a dara a muso la ko jugu; fo a bë a fò mògò bëe ye ko ale muso tè kamalentigè kè.

numukè terikè ko a ma don do la ko : i kana muso lajèya o cogo la. ni i ma da ne ka kuma la, i bë i da, ko i man kònè. n'i muso kònòganna, a bë taa ne wèje.

o kèra a fò cogo la. terikè nana min-kè, a y'i kan to ko numukè ka bana in tè a to. o tuma na, muso k'a lajè ka furu ale yèrè ma.

muso y'a jaabi ko ale ni cè dò ye u kan di nyògòn ma.

o kelen minkè, terikè taara fura mugu dò ta, k'a kè numukè nun kòrò. numukè tisora, a ye a nyè yèlè. numukè nyèmatigèlen y'i kan to a terikè ma ko fo k'a sa, a tè da muso la tugun.

solomani jakite  
masigi

# sahara jamana kuntigiw ka kubèn



yen, sanko bagan ani hadamaden.

o gèlèya, sahara jamanadenw kan, o de kèra nyögón kumbèn in sababu ye. tuma min n'a fóra, k'a jira ko fara nyögón kan de bë an ka jamanaw

bó nògò la, n'o fara nyögón kan ma kè sèbè ye, hèrè tè kè jamana kelen kónò, sanko a bée kónò.

nka, sira bée kan, sahara jamana kuntigiw bennna ko la.u ye nyögón famuya sigi diya cogo

bèe la u ka jamanaw kónò. bèn kèra kétaw ani fótaw bée kan. peresidan musa tarawele kèra a jè nyèmogó ye san fila kónò. fo ka taa se san 1982 ma, n'o bë kè u ka nyögón kumbèn 6 nan san ye, moritani jamana kónò.



# farafin fura bayèlèmali

dinyè selen bè yoré min sisan, moggew dalen bè jiri la, furakeli sira kan, ka témèn farajè fura kan, o n'a pikiriw n'a furakisè camanw. farafin fura joyoré yera fo ka t'a se a bayèlèmali ma, k'a kè i n'a fó farajè fura. mali yèrè ye ndoba bò a baara la, dökétoré mamadu kumare, ka timinandiya késch. o de kama, kibaru ye kuma di a yèrè ma :

madu bè dò dòn, seku tè o dòn. seku bè dò dòn, madu tè o dòn.

o nyuman ye, an k'an kónò ta fó nyégón ye. an bée nafalan de bò sérò o la.

dónniya bè tubabu la cego min na, a bò farafin yèrè la o cego la. dónniya bè larabu la cego min na, a bò farafin yèrè la o cego la. sèbènnanya de y'a to an ma se ka taa nyè. moggó-koroba caman sara ni u ka dónniya ye. aw min bò se sèbènni la, a ye aw kónò ta sèbèn, walasa aw yèrè kò moggew ani jamana bée ka bò moggó la. o tuma na, a tèna se ka fó ko aw kéra bòfu safu ye

ne dökétoré mamadu kumare de bò kuma aw fè nin cego la. ne ka baara ye an ka farafin fura bayèlèmali ye, ka kè tubabu fura ye, walasa ka ndogoya don jamana kónò.

bi, ne b'a fè k'aw laddónniya fèn dama dò la:

a félafolé : o ye ke yoré kura dayèlèla bamako, walasa ka an ka furaw ani an ka furaké cego dòn.

a filanan: komite militéri ni goférènaman ye sariya kura dila, k'a fó ke furakèla bée bò se ka furakeli kè, n'a ma kè ni degoli ye, ni ne jènna n'a ye. moggó o moggó, n'i ye i kónò jèya aw ye, ni ala sonna, i tèna nimisa.

a sabanan : maa kelen tè baro, n'b'a fè a'kán jabi; jè ka fó de ye damu ye.

a Raaninan : n'aw bò furakèla min dòn, a'ye a tègè, a jamu, a ka dugu, an'a bò min furaké fó n'ye. aw bò se ka lètèrè ci kibaru ma, b.p. 24 bamaké, (Mali)

ne ka adérèsi la min ye: dökétoré mamadu kumare b.p. 1746 bamaké.

an balimaw, a bò fó, wa tinyè dòn fana, ke n'i y'i bole akóni keloa sin moggó la, n'e tigi kèra fèn ye, i k'a tan bée sin i yèrè la. hali bi an ka nyégón dèmè ka tégeba sérò farafin fura bayèlèmali la.

(a té bò kibaru nataw kónò).

badama dukure kibarudilala bamaké.

## mali

mali ye jamanaba ye. a kónò ye km 2 1.204.000 ye. an bò dòn min na i ke bi mali sinsi bere ye sènè ani bagan mara. mali kónò moggó haké min bò yen, o bò taa moggó miliyòn 6 ni tila nyégón na. n'i ye jamana yèrè bonya lajè (km 2 1204000) k'a moggó haké ye (miliyòn 6 ni tila) i bò sérò ka d'a la ke mali jamana ma fa moggó la. nka o fana bò sérò fèn dò fè: o ye ko mali kenyèka yan fan bée ye cèn cèn ye, o kama moggó camantè yen bawé ji ani jiri tè kesèbè; moggó dun tè se ka taa elu kè.

mali ye denmisèn jamana fana ye, bawo a moggó miliyòn 6 ni tila, n'i y'a kulu kèmè kèmè sigi, moggó kèmè o kèmè i bò taa a sérò moggó 49 bò o la minw si haké tè san 15 bò.

o témènen kè mali ni jamana 7 de bò dan bò :

-kenyèka fè, alizeri bò yen -körén fè, nizéri bò yen -ba fè: hoti wolita, kèdiwari ani lajimè bò yen.

-tilébin fè : senegali ani moritani bò yen.

mali ye jamana ye min ni kogòji tè ka dan bò.

bamaké ni mali duguba dòw cè ka jan, ani dòw yèrè cè ka surun fana :

bamaké ni gawo cè ye km 1.204, a ni tumutu cè ye km 960, a ni gundamu cè ye km 920, a ni meti cè ye km 646, a ni kayi cè ye 510, a ni san cè ye km 434, a ni nyoro cè ye km 432 ye, a ni sikaso cè ye 374 ye, a ni segu cè ye 240, a ni kulkukero cè ye km 59.

## "cilss" ye mun ye ?



kibaru tèmènné kónò, an kumana "cilss" kan k'a da wale dò kan, n'o ye jamana kuntigiw ka nyogonye naani nan ye, min kéra wagadugu, òtiwolita, san 1980, zanwuye kalo tile 14 n'a tile 15. kunnafoni in kologirin tun bë "cilss" sigi cogo, ani a sigi kun de kan. gélèya sugu jumènw ka kan ka sórò "cilss" jamanaaw kónò ?

"cilss" bë k'i labèn cogo di ja kélèli fè ka bò saheli kónò ?

fèerè jumènw tigèra "cilss" fè, walasa ka gélèya ninw dugan, ka saheli ka yérèta sabati baloko sira kan ?

an miiri la, ninw ye nyininkaliw ye, an ka kan ka minw jaabi walasa aw bë se ka "cilss" konyèw faamu kosèbè.

donw tèmènna, mógo si tun tè jorò baloko la, n'i tun bë taama saheli kónò ; sabu, sanji tun tè janfali kè, sahelikaw tun ka kisè, wa balo tun ka ca.

nka bi, yorò in n'a ka sóròda camanw, ani a ka se camanw, a ma se k'a yérèta baloko sira kan.

a dogolen tè mógo si la ka saheli ka gélèya kologi rinba ye jintanya dè ye. a bë san tan bò ji tun tè ka laboli kè fewu.

ayiwa, jintanya in de ye gélèya ju yérè-yérè de ye, k'a d'a kan saheli kónò cikèla de ka ca kosèbè.

gélèya tèmènné kó, dugu, dugukoloko fana gélèya-bè yen. dugukolo dòw bë minw fanga banna pewu ja fè. dò wèrèw bë yen minw tè se ka cikè abada : olu ye dugukolo ye ni sanji bë taa n'u nafa ye k'a d'a kan u bë kulu dawolo la; ani kungoda dugukelè, kungoda minw ni mara ni sunogébabà bë yen. nin bëe kofè, gélèya wèrè bë jamana ninw kónò, gélèya min fana ka jugu, n'o ye jiri tinyèli ni kun

go nagasili ye. kungodaw nagasili hadamadenw ni baganw fè, o bë na ni ja de ye saheli kónò, ka dugukolo fana nafa dögoya.

saheli jamanaaw ka gélèyaw tè sanjiko ni kungoko ni cikèdugukolo dama ye. nyotigè waati la, cikèla ka kan ka dò fara a ka cèsiri kan, walasa a bole lankolon kana bò. sabu, nyodunkónòw ni nyodunntónw, ani totew ye balo tinyènabaw de ye. u ka tinyèni fanga ka bon kosèbè; u bë se ka foro kelen nyô dun k'a ban pewu n'a ma kólèsi.

gélèya ninw tè se ka fò k'a ban ni da ma se cikèlaw yérè hakili n'u cikècogo ma. a jirala k'a fò ko cikèminèn köròbaw minw b'u bole, olu bë sórò nagasi.

(a tò bë kibaru na taw kónò)

badama dukure  
kibarudilala bamakò  
(mali)

# bugòbali ni

a'ye nin baro in lamèn. a tun kèra jamana tèmèlenw kònò nin masadenw ni nyògòn cè.

◦ ◦  
◦ ◦

jènèba tun ye gunda masakè denmuso mandi ye. kabini a ye dinyè ye don min, a ma deli ka bò kènè ma. a fa kèlen bè ka yòrò dò dilan a ye, ka tila, ka jònusoso caman di a ma. jènèba b'a ka dinyèlatigè ko bée kè o yòrò in kònò.

◦ ◦

nka, u ka da fè duguw la, kamalennin saba bè bò yen, olu bée ye masakè denw ye. juma o juma, u bë nyògòn bën cèmancè duguba dò la, ka taama ka taa jènèba ka baro la. nin cè saba bée ye dakabanadenw ye. olu de ka nyi wa ? u ka sow de ka nyi wa ? u ka fèeròbòw de ka nyi wa ? mògò si t'o danfara dòn ala kelen kò.

ni nin kamalenw surunyana jènèbaw ka dugu la, u kelen kelen bée b'u ka so da juru yoba, ka tila, k'a dacè jènèba ka da la, fo sokè ku ka fofu dugu ma. n'o kèra, jènèba ka jònusosin dò bè wuli k'u bisi-mila. a b'u fo ni jènèba tògò ye, k'u bonya, k'u karama, ka tila, k'u fana ni fèn bée dò kèmè ye.

n'o laada la baara in banna tuma min, o tuma sa, jènèba b'i labèn à ka hòrànusoso dàkaburu iiniw la, ka bo ka nyèsin dunanw ma, k'i nyòngiri k'u fo. nka, aw k'a dòn k'a fò, k'oye foliwla cènyi dan ye. jènèba ka mògòya, a ka mògòsèbèdenya, a ka ladamuli n'a ka mògò bonya tè se ka fò ka sera dan na.

foliw bannen kò, baro bë daminè. nkòni baraw bë cùn ka sumaya. je-likèw ni jelimusow bë kulo. hòròn bë sanu ni wari ni. fan bée bë yèlè ni nisòndiya de ye.

ni baro in tora o cogo la, fo ka

taa tile bin, kamalenw bè sira nyini jènèba fè. n'o jènna ni sira di ye, u bë yèlèn u ka sokèw kan, ka taa u ka duguw la. bawo, n'i ye dunan ten baraba ye, don dò, i n'a tòn baraba ye.

aw k'a dòn k'a fò ko masakè denw bë jènèba sòrò yòrò min, u bë taa k'a to yen. barisa, a don y'a sòrò, hadamadenya ma tinyè. mògò si tun ma dan kari hòrònnya ni danbe la. fili tun ma kè farafinna danbe nyumanw la:

juma o juma, nin cè misènw bë nín cogo in de la. u tè sègèn, u tè nyinè, a nege tè bò.

◦ ◦

u taatò n'u natò bë tèmè dugu min na, o dugu ye masakèba dò ka dugu de ye. o masakè ma bange foyi la a ka dinyèlatigè kònò, denkè kelen kò, n'o tògò ye bugòbali. kabini bugòbali ye dinyè ye don min, a ma tèmè a fa ka bulon da kan. nka, ni juma don sera, a b'i to a fa ka du kònò ka kamalenw tèmètò ye juma donw fè, ka taa jènèba bara. juma o juma, a b'u taatò ye.

don dò kèra, bugòbali bolila, ka bò du kònò, k'a nyèsin a fa ka barokèda ma. fa y'a natòla ye minkè, a ma se ka sigi tuguni. a girinna ka taa denkè kumbèn. a y'i kan to a ma :

- bugòbali, mun kèrc ? mun y'i sò-? tonni bagara i ma ?

denkè y'i kan to ko :

- foyi ma kè, buwa. n b'a fè k'a dòn, kamalen cè saba in bë taa yòrò min juma donyaw fè. o de ye n bò kun ye.

o kèlen, fq hakili sigira. a y'i kan to a denkè mandi ma :

- cè saba in bë taa yòrò min, i si ma se o yòrò taali ma.

- u bë taa min ?

- u bë taa jènèba de baro.

- ba, ne fana b'a fè ka taa n nyèda o baro kè yòrò la.

- n denkè, i ma se baro kè yòrò taali ma fòlò.

o kòròfò ma diya bugòbali ye. a ye kasi daminè. ni bugòbali bë kasi, a kèlen bë, i n'a fò, mògò de bë muru kè k'a fa sògò. o la sa, a y'i kan to ko :

- i dade. ni ala sònna, juma nata, n n'i kalifa don i kòròkè saba in na. i na taa u fè jènèba ka baro la.

kabini fa y'o fò, bugòbali nisòndiyara. a yèlètò bolila ka taa du kònò. a ka jònw wulila k'a bén ni nisòndiya ye.

◦ ◦

u tora o cogo la, fo ka juma don se. kabini sògòma joona, bugòbali bòra ka taa masakè denw sira lajè. selifana surunyalen, a y'u natòla ye fo yòrò jan. a bolila k'a fa sègèrè, k'a kan to a ma :

- buwa, sotigiw natò don.

a fa ko :

- nin tè baasi ye. so da juru ta, i ka taa an ka so wèrè kònò, i ka da juru in mankan bò. ni so min kulola ka bén a ma, i k'a don o kan na, i ka n'a fò n ye.

bugòbali ye so da juru ta, k'i nyèsin wèrè ma. a y'a mankan bò. so min bë wèrè kònò, a bë so baa kèlen bò. u bée la belebele, min ka farin n'u bée ye, ni mògò si tè se ka yèlèn a kan faama yèrè kelen kò, o de ye mankan bò. bugòbali ye juru fili a kan na, ka tila, ka n'a fò a fa ye. o kèlen, fa jòrla dòonin, k'a d'a kan, a bë so in cogoya dòn. nka, a ko ala ka bon, a ka hèrè ka ca. a y'i kan nabò jònw ma, a k'u ma :

- a' ye sokèba labèn a ka minènw na sisani.

o fò n'o kè si ma kòròya ni si ye. faama y'i kan to a denkè ma :

- taa i labèn i ka finiw la sisani, i ka na.

bugòbali donna so kònò, ka bagènèhòrònw kè k'a fan bée labò, ka

# jènèba

na i jò a fa kérè fè. a fa ko :

- nin t'i ka fini ye. taa i ka finiwa.

a taara lomansa kè k'a fan bée labò, ka n'i jò a fa kérè fè. fa ko a ma :

- taa i ka finiwa, nin t'i ka finiye.

bugòbali dimina. a taara sanu duloki ta, ka sanu kulusi ta, ka sanu banfula ta, ka kònò sògòlen kan dilannen sanu la meleke a kan na, ka tila, ka n'i jò a fa kérè fè. fa ko : - òwò, sisana, i y'i ka fini ta.

o y'a sòrò, sokè ni kirike jòlen don. a nyinw ni karafe bë kan ka kèle.



u bë o jò yòrò kelen na, masakè denw n'u ka sow sera u ma. foliw kelen kò, faama y'a kan to u ma :

- n denkèw, aw nali diyara n ye kosèbè. aw dògòkè filè nin ye. o ko a b'a fè ka taa aw nò fè. n b'a fè k'a kalifa aw la, a ka taa aw ka sow lajè. n b'a nyini aw fè, aw k'aw jan to a la kosèbè.

u ko :

- o tè baasi ye. a k'a labèn, an kaa.

o kèle, faama ko :

- bugòbali, yèlèn so bala, n k'i ye.

bugòbali y'i pan k'i fili sokè bala, k'a boli ka taa, k'a boli ka na, ka tila, k'a dacè fo k'a ku fofu dugu ma.

faama ye nsara kisè saba d'a ma, ka warì jè tama d'a ma, ka tila, ka

sira bara fa sanu na, k'o d'a ma. bugòbali labènnèn kòrò kò cè minènw bée la, a fa ye dugaw don, ka sòrò, k'u bila sira:

bugòbali n'a kòròw ye sira ta, k'u kunda jènèba ka dugu kan. u taatòla, bugòbali ka so sen teliya ko-jugu fè, a b'a tòw dan; ka tila, k'u kònò. sokè girin ko-jugu fè, njugure juru tigèra. bugòbali jiginna ka nugu're tugu. nka, o baara kètò a fè, a taama nyògòn taara k'a to. bawo, u keleyara a la, o ye fadenya ta yòrò ye. bugòbali tilalen a ka so labènni la tuma min na, a y'i bin ka tòw sègèrè. yòrònìn kelen, a kunna u la. a k'u ma :

daminè tugun. dòw ko a panta, dòw ko a merunnen bë yen.

u y'u to o la, fo bugòbali ni belebele sera. a y'i nyè, k'i sigi kirike cèmancè la, ka sokè dacè, fo k'a ku fofu dugu ma. bëe ko :

- an ma deli ka nin cènin nyògòn ye, an ma deli ka nin cènin nyògòn ye.

o kèle, bi m'a to ni jènèba ka jònusorin bolila ka t'a fò. a ko :

- jènèba, i ka mògòw nana. nka, u ni cè misènnin dò bë nyògòn fè, o ye dugu la mògòw bëe kamanagan. dòw ko jinè don, dòw ko mèlèkè don. n dalen bë min na kònì, a ye nyè ban. a ka cènyè n'a ka so cènyè n'a ka dakabana finiwyumaya tè se ka fò ka se a dan na.

jènèba ko :

- n'a kèra fèn o fèn ye, a na na an sòrò yan.

cè naani in selen jènèbaw ka bulon da ma, bugòbali k'u ma :

- n kòròw, a' y'aw ka sow di n ma. bawo, ne ma na baro kama, ne nana aw ka sow da juru minèli de la. ni aw tilala, a' bë n ni sow sòrò so kò fè, n b'aw kònò yen.

o fòra coço min, a kèra ten. cè saba in selen jènèba ma, a y'u bisimila, k'u bonya, k'u karama, ka tila, k'u fana fèn bée dò kèmè la. o bannen kò, baro daminèna. nkònì baraw bë cun, jeliw bë wòyò, sanu ni warì bë ni, i n'a fò, fu.

u y'u to baro diya la, jènèba y'i kan to ko :

- a fòra k'aw ye taama nyògòn kura sòrò. o bë mini ?

u bëe la kòrò y'a kan to ko :

- o y'an dògòkè de ye. a nana an ka sow kòlòsili de la. a bë aw ka so kò fè.

jènèba ko :

- i jò, n ka taa n nyè da aw dògòkè kan.

jènèba y'i kun bò kogofè, k'a nyè da bugòbali dalen kan. a jannen jiri sun jukòrò.

burema koyita  
(a tò bë bò kibaru nataw kònò)



## gèlèya bè dinyè bèe kònò a bè mali yèrè kònò

kabini san 1980 fewuruye kalo tile 25 mali barra kuntigiw bè nyogonyew la, wala sa ka siraw ani fèerèw sòro gèlèya nyinini cego nyuman na mali kònò. gèlèya fera fo cego nyuman n'a juguman bée la mali dörén tè dinyèe bée don. do de ta ka girin ni do ta ye. nka a bée ye latigè de ye, k'a m'a sòrd, mögosi t'a kanu gèlèya ka bin jamana kan, min y'i wele jamana yèrè ye.



## jè ka fò ye daamu ye mögò kelen kunko tè

o la sa, mögò kelen, wali jamana kelen ko tè. nka, n'a ma nyè ko gèlèya kera, jè ka fd de y'a fura ye. o de sira-tigè la, walew ani kétaw bëdantige, walasa dusuw ka sunaya, sòròw ka mögdw nafa. o fèerèw nyinini n'u sòrdli n'u latilenni de nana ni nyogonyew ye. k'a ta peresidan musa tarawele la, k'a bila baara kuntigi laban na, bée wilien don, gèlèya furakeli la, mali kònò.



nka, hali ni fèerèw sòrd la gèlèya la n'olu ma latilen ko nyuman fosi tè bò a donnin na.